

SIAYĖKEMACA SIABAI KĖOJĖNA KAYAYE KUT'NE JĖNA, PAIYE KAWESOSE'EPI SIAYE TUTU PAYE JAI TSUTSUPĖA OMETĖKANĀ

NUŅEREPĀ SIA'WE'ŅĀ CAHUESOSE'E MAI PAI KĖKOPAYE

Kaya jĖna kou KĖna ometĖkawĖ sia'we'ņa sewojĖ kui'ne canĖowĖ si'aye pai paija'ņe tutukĖ'ye, ĭti kĖaye kato pai'ĭi iye ņese saiconi. Icona tsoe paikona ņajĖ, jaipai tsi'sisito kakua'ĭ sĖņĖ ĭti toyapĖpĖ kĖawesojĖĖ sia'we'ņa, jamaka ņasiko paija'kore siapai, kui'ne kĖajĖ paija'cua'ire toyaja'o ye'yewe'ņaje, yeke pa'yea'Ė kajĖ ņaņeje peoye ĭ wa'ĭ kuasajĖ nese'e yekĖ yeja pai.

Ja'g wĖoko

Kase'ĕpi de'oye, kĕne kui'ne jeoņe payĖ jaje, sia'we'ņa ņase'erepare sa'nawĖ payĖ sia'yĖ'kĖ maka tutu, kui'ne sioma'ņerepare sia'pai tsĖkapĖ pai'ye.

Jaje paikĖta'a kuasayĖ ņama'ayepi kui'ne oima'ayepi, pa'ĭji sia'paire, japi ai jaiye ņese saniwesĖĭi pai pa'ĭjĖ kuasaye, kui'ne aijerepa kawesose'pi, jaje pa'ina kokase'e kayĖ de'oye pa'ĭye kui'ne de'oye pa'iyĖ kuasajĖ sewoye.

Jaje paise're yure kato ņasikua'irepa kui'ne kĖkopakua'ĭ pa'ĭye pa'ĭji, kua'ye pa'ise'e jeoni paimakata'a pa'ĭye pa'ĭji nejo ma'kua'ĭ.

Jamakata'ā ņese de'oyerepa ņese saiyĖ siwajĖ kui'ne pa'iyĖ yekĖwe'ņa ņasikua'irepa.

YekĖwe'na yejaņa kato de'oyerepa kuasani kuinaoni kanĖowesĖwĖ. Toya ja'wana pai tutukĖiwa'ĭ paija'ne, de'oyerepa kui'ne iwa'irepa'Ė kajĖ, si'ayĖkĖmaka ėmĖowa'ĭ kui'ne nomiowa'ĭje koni, tsoe jaje pa'ina jeowesowĖ ai jai kore, de'oye pa'iyerepare kasikua.

Iye kuasaye cato sewosikua kadĖowesĖja'core, oiyerepapi si'aye kuasajĖ, tsi'sisikua'ĭja're kawesĖ ja'ņe, si'aye oiye kui'ne tutukĖ'yerepa pa'ĭja'ņe jamakata'a kuade'oye pa'ĭye pa'ĭji pal.

Iye kato kuasase'ea'Ė si'aye tutupa'ĭye, jaje pa'ina iye kato ai de'oyerepa'Ė ĭti ņese saija'ņere kuasajĖ sewowesĖse'ea'Ė.

Tsi'sini jai pai koka kako

JĖaye kawesoyĖ yure

Si'aye paj tutu pa'ĭye kĖawesosikua, ikore kato si'a daripĖa kui'ne jaiwe'ņaje nesaoye pa'ĭji, te'owa'ĭmaņaje kui'ne kua'me kokaiwe'ņamaņaje, ņese saye pa'ĭji de'oye kajĖ, jamakata'a si'adaripĖa pa'ĭye pa'ĭji de'oye kui'ne yeja pa'ĭye cĕni kĖkojĖ.

Te'o ako kĖaye.

Si'apai aide'oyĖ kua'ye peoye kui'ne siayĖ'kĖ maka pa'ĭye kui'ne tutupaye koni, jaje kuasase'sĖtepi kuaju'ĭne peoye ņese saiyे pa'ĭji kĕkaijĖ yekĖ paireje.

Kayaye ako kĖaye

Si'a pai payĖ tutu kui'ne kua'ye peoye yure ikore ai jĖaye kawesosido'ire, jaje pa'ina ņaņe peoji yekĖ paiņa'Ė kajĖ, iyeje pa'yere, paj, koka, iowa'ĭ pa'ĭye, kuasaye, pani iyese'e kayepaņĖ kuasia'ye pa'ye, kuri pa'ye, aideo'ye kui'ne kuasi'aye pa'ĭye.

Kui'ne yekeje pajakua'ia'Ė kaye yeke iwa'ĭ kuasayepi iyea'Ė kajĖ aijaidaripĖa sia'we'ņaje panije yeja paiņeje iti paipi kuasajĖ neņe pa'ĭji, jai daripĖa kaye kato te'owaise're kaņeje pa'yea'Ė, iwa'ise'e kuasayepi neĭĖ.

Toasoņe ako kĖaye.

Teo'wa'ĭje payĖ de'oye tutu pa'ĭye, kua'ye peoyeje koni, kui'ne kĖcojĖ paj pa'ĭye.

Kajese'e ako kĖaye.

Si'awa'ĭ pa'ĭye peoji kua'ye jĖaye pa'ye kajĖ, kui'ne kua'ye yo'okuaņuņeje peoji, iye kato Ėsese'ea'Ė sia'ye pa'ye.

Te'jĖtĖ ako kĖaye.

Jare si'apai kua'ye yo'okuaņoņe tipeoji, tĖ'caye, tseañe, wanijeañe panije ai kuaye pa'ye.

Te'e jĖtĖ ĖjatupĖ kĖako.

Si'apai payĖ tutu, sia'we'ņa kui'ne ņakuaņuņeje pa'ĭji pai karepase'e pa'ĭye.

ĖjatupĖ kĖnope.

Si'apai pa'iyĖ sia'yĖ'kĖemaca kui'ne payĖ yekua'ia'Ė kaye peoye, jaje pa'ina Si'awa'ĭ payĖ tutu karepaye akĖpaj kĖ'ro. Jaje pa'ina maj tutu payepi de'oye pa'iyepa'ĭji, tsoe ikore kawesosidoipi kokaiji kua'ye kaye peoye pa'ĭja'ņe.

Kayaye te'ejētē ako kēaye.

Si'a pai tutu payē de'oye pa'iyere kuasajē yekēwe'ña sañupe kajē, maj kase'pi kokaijakē kua'ye yo'oma'kuai'ni kajē mai tutu kē'ye paiye, jeje paina maire toyapēpēpi kakorepa pa'ijakē.

Te'e jēña Ējatupē peoye kēako.

Jare peoji mal tsea kuañuñe.

Kaya jēña ako kēako.

Si'a pai payē deoye paiye, si'ayē'kēmaka paiye, jamakata'a sia'we'ña asasaoye pa'iji kui'ne oirepayepi kua'ye paise'eje carojaiye pa'iji kui'ne kuañeñe paiji neñañe paiji kuasia'ye pa'ye iti kase'e sañe pa'iyē.

Kayajēña te'o ako kēako

Si'a pai kua'ye yo'o sikua'i payē tutu iwa'i yo'ose'e jayuta'a iti ñati'añe pa'iji do'ikē'ye, jti kase'je paiye, kui'ne kaye paiji sia'we'ña jamaka kase'repa pa'iji tutu pa'ye.

Si'a pal peoji kua'ye paye painije siokuañuñe ja yuta'a ñati'ama'maka kato, jaje pa'iji tutu pa'ye yekē daripēa paiyeje. Jaje paina peoji maipi caye de'oye nede'waē'ēje pa'yere aijerepa kua'yena saiye peoye.

Kaya jēñā kayaye ako kēaye.

Mai teowa'i paiye kato peoji kaye kua'mañā'ē kajē ñese kaye, mai tsēkapēreje, mai paiwe'ñaje panije ise'e pa'ito peoji kua'aye neñeje peoji jpi kuasakē pa'iyē. Jaje pa'ina si'a paj payē de'oye pa'iyē, jaje paina nejo jeoñe paiji kua'ye paise'e.

Kaya jēna kayaye te'o kako kēaye.

Si 'a paj payē deoye daoye sia'we'ña kui'neje yeja pēañeje koni.

Si 'a pai payē tutu kuasi'adaripēa, ipaidaripē, jaje saisikēre ta'a ko'iyē pa'iji i maj daripēna.

Kaya jēña Ējatupē peoko ako kēaye.

Kue'kua'i pa'ito, sia'pai payē tutu kē'ye payē katiye paiji kuasia'yejaña, jamaka siwajē pa'iyē pai'ji jti ku'ase'e.

Iye pa'ye kato peoji sa'ñe kua'ye neñe, kua'ye payena, panije sa'ñe kayeje peoji yekē jaiwe'ña pai yejaña'ē kajē.

Kaya jēña yekē jētē ako kēaye.

Si 'a paije tutu payē pai paiyerepa

Jare peoji ēseye i pa'iwe'ña yeja akēre, yekeje tipeoji kaye yēkē pa'iñeje paijē'ē kajē.

Kaya jēña yekē jētē te'o ako kēaye.

Ēmēowa'i kui'ne nomiowa'i, jayuta'a ēañawēomakapi tsoe payē tutu, kaye peoji kaje painā'ē, iti pai'ē kajē wejaye, jamaka wejani siwajē pa'iyē pa'iji kuineje pa'iji jeokoni de'oye pa'iyē itibi jaje pa'ito.

Iwa'ise'e kuasajē kui'ne ējēpaija'kēpi kuasani wejaye pa'iji.

Pajtsēkapē Kato de'oye paiyere'pa'ē jaje paina ñacairepayē sia'we'ña akē pa'ije.

Kaya jēña yekē jētēkayaye ako kēaye.

Si'a pai payē tutu pa'iyē yeja, te'iwa'i kui'ne si'apai de'otsēcapēa.

Jare peoji yē'ē tsekua yeja kajē ēseye.

Kaya jēña yekē jētēkayaye te'o ako kēaye

Si'apai payē iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne koka kaye kuasia'ye sia'we'ña paiwe'ñana, panije te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jēña yekē nēkayo beoko ako kēaye.

Te'owa'ije de'oye payē iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuañujē paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'here.

Jēña-nēkañua

Si'awa'i te'owaise'e tsi'sini koka kaye payē kuasia'hue'ña.

Jare peoji kuañeñe yekē tsēkapēna tsioni paiye.

Jēna-nēkañua - te'o

Si'a pai payē tsiojaiye mai akērepa kē'ro, ikē'rorepana te'repapi panije yekē paija're koni iti ñakēja're.

Si'a pai tutupayē si'ayēkēmaka paiye kua'me nedojaye mai paiwe'ña yeja.

Itidaripēa paikua'i kato payē sia'we'ña akua'i kayere, iye kato kokaiji kaji mai ējaēwa'irepare mēojē saiylere, iti mēoñe kato neñē yawese're, japi kokaiji de'oye karepayepi mēose'e.

Jēña-nēkañua kayaye

Si'a pai, ititsēkapēje paiwa'i payē kadēose'repare kuasi'aye kui'ne jaje pa'ina si'a akēpai kokaiye paiji, ja tutu do'ire kuasajē, jaje pa'ina tsoe kuasase'pi kuri pa'iye, kuasi'aye kui'ne maipaiye, iye kato mai kuasayepi nesaajē paiye paiji sia'yēkē maca pa'yepi .

Jēña-nēkañua toasoñe

Si'a pai payē kua'me nedojaiye kuasia'we'ña, iwa'i yēyepi tia'ñe paiji kua'meneñe, jaje paikēreta'a si'ayē'kēmaka paipi, jaje paina kua'ju'iñe peoye kua'me newe'ña tra' ni, nejē pa'iye baiji, peokua'i pa'iye peoji.

Si'a pai payē kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payē kui'ne ja'ñe pa'yē, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsēcapēje deo'ye kuasajē baija'ñe, io paire kañeje paiye, yekebi karasiko pa'ito neti'añe pa'iji.

Si'a pai payē tutu iwa'i'pi kuasajē tsi'sini neñe, iwa'i yēyere.

Jēña-nēkañua Kajese'e

Si'a pai payē tutu kua pēawajējē pa'iye, siwajē pa'iye ioja'ye kua'mene' ometēkawē tja'seja'ye kui'ne iye pa'iye kato sa'ñeñe pa'iji.

Jēña-nēkañua jētēna

Si'a pai payē mai paiye kadēose'repare, iye pa'yere, mai pai, jujukaiwe'ña kui'ne de'oye paiye sia'ye, aq aiñe, kaña ju'iye, wē'ña pa'iye, juikua'ire jujukaiye kui'ne kuasia'ye, yeke payē kui'ne pa'ye kua'me newe'ña paiwe'ña peoye, juidawē, do'ima'pai, aipē maña, iyese'e paiyeje pani kuasia'ye iwa'i te'owa'i pa'iñeje pa'ye.

Kui'neje pa'ye etapē kēiwa'i kui'ne tsi mana payē tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payē kui'ne pa'i tuture.

Jēña-nēkañua jētēna te'o

Si'apai payē kui'neja'ñe totyaja'o ye'yeye. Toyaja'o ye'yeye kato peoji doiye ja'a ye'yehuēje pa'ye kato. Ja'a ye'yewēoye kato ai kuañeñe paijija'kua. Kui'ne toyaja'o nekaikua'repare kato ai jaiye nesaose'e pa'ijakua, kui'ne aijerepa aye toyaja'o ye' yeye kato' kui'ne paiji sia'waire, iq ai do'iko do'ire.

Toyaja'o ye'yeye kato mai pai de'oyerepa pa'ija'ñea'ē, jaje paina toyaja'o kato itirepa'ē sia'we'ña mai kua'ju'ijē pa'iye, de'oye pa'i'yē kajē, paire sa'ñe oijē koka kaye, japi pa'ina maj ñese saiye pa'iji, siwajē.

Pēkaja'kēpi ñani tseañe paiji toyaja'o ye'yeye i mamakēre kokaiyere kuasani.

Jēña-nēkañua jētēna kayaye

Mai aipē ukujē paise'e sia paije payē ukuye mai pa'idaripēakē'ro, siwajē mai tse'a'ē kuasajē kui'ne tideo'ye paito tia'ñepa'iji.

Si'a pai payē iwa'i yēyepi toyaja'o nesaoye, iwa'i kuasayepi, netijini jaiye toyapēpēa etosaoye, jaje paita'are te'owa'ise'e paye pa'iji iti toyapē akē.

Jēña-nēkañua jētēna- toasone.

Iye maire carepawesose'e kato si'a pai tutu paye pa'iji yekē yejaña kē'roje ñase'repa, jaje paina itirepa pa'iye paiji iye.

Jēña-nēkañua jētēna kajese'e

Si'a pai payē maire kuañese'e mai pa'idaripē kē'ro, maipi de'oye nejē de'oye neto saji mai paiye.

Iye neñañekato mai kēkopayea'ē kui'ne siwajē paiye, kato sia'pai paija'kua'ia'ē toyapē akēpai kase'pi, itikato kanēose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyére kajē sia'we'ña mai yēye pa'yere.

Iye tutukē'ye kato peoji yekua'ipi dekakaiye iti paiye kui'ne iti tsoe yekēwe'ñaje kase'e pa'ito.

Jēña-nēkañua jētēna.

Jare iye kawesosikore jare peoji yekē paipi iwa'i kuasayepi dani nejē neño'o kajē nedojaye, paije te'e pai dani iye kato akēpai tsea'ē kajē kuasia'ye nedojaiye peoji, iye kato tsoe kawesosikore.